

**AVGJERD I EØS-KOMITEEN  
nr. 56/2009**

**av 29. mai 2009**

**om endring av vedlegg I til EØS-avtala (Veterinære og plantesanitære tilhøve)**

EØS-KOMITEEN HAR –

med tilvising til avtala om Det europeiske økonomiske samarbeidsområdet, endra ved protokollen om justering av avtala om Det europeiske økonomiske samarbeidsområdet, heretter kalla ”avtala”, særleg artikkel 98, og

på følgjande bakgrunn:

- 1) Vedlegg I til avtala vart endra ved avgjerd i EØS-komiteen nr. 41/2009 av 24. april 2009<sup>(1)</sup>.
- 2) Kommisjonsvedtak 2008/77/EF av 25. januar 2008 om godkjenning av planane for 2008 for utrydding av klassisk svinepest hjå viltlevande svin og naudvaksinasjon av slike svin mot denne sjukdommen i Bulgaria<sup>(2)</sup> skal takast inn i avtala.
- 3) Kommisjonsvedtak 2008/88/EF av 28. januar 2008 om endring av vedtak 2005/59/EF med omsyn til dei områda der planane for utrydding av klassisk svinepest hjå viltlevande svin og naudvaksinasjon av slike svin i Slovakia skal gjennomførast<sup>(3)</sup> skal takast inn i avtala.
- 4) Kommisjonsvedtak 2008/97/EF av 30. januar 2008 om endring av vedtak 93/52/EØF med omsyn til fråsegna om at visse administrative regionar i Italia er offisielt frie for brucellose (*B. melitensis*) og vedtak 2003/467/EF med omsyn til fråsegna om at visse administrative regionar i Italia er offisielt frie for bovin tuberkulose og bovin brucellose og at visse administrative regionar i Polen er offisielt frie for enzootisk bovin leukose<sup>(4)</sup>, som retta ved TEU L 281 av 24.10.2008, s. 35, skal takast inn i avtala.
- 5) Kommisjonsvedtak 2008/159/EF av 22. februar 2008 om endring av vedtak 2007/683/EF om godkjenning av planen for utrydding av klassisk svinepest hjå viltlevande svin i visse område av Ungarn<sup>(5)</sup> skal takast inn i avtala.
- 6) Denne avgjerda gjeld ikkje for Island og Liechtenstein –

---

<sup>(1)</sup> TEU L 162 av 25.6.2009, s. 16, og EØS-tillegget til TEU nr. 33 av 25.6.2009, s. 1.

<sup>(2)</sup> TEU L 23 av 26.1.2008, s. 28.

<sup>(3)</sup> TEU L 28 av 1.2.2008, s. 34.

<sup>(4)</sup> TEU L 32 av 6.2.2008, s. 25.

<sup>(5)</sup> TEU L 51 av 26.2.2008, s. 21.

TEKE DENNE AVGJERDA:

### *Artikkel 1*

I vedlegg I kapittel I til avtala vert det gjort følgjande endringar:

1. I del 3.2 under overskrifta ”*RETTSAKTER SOM EFTA-STATENE OG EFTA<sub>s</sub> OVERVÅKNINGSORGAN SKAL TA TILBØRLIG HENSYN TIL*” i nr. 29 (kommisjonsvedtak 2005/59/EF) skal nytt strekpunkt lyde:  
  
”– **32008 L 0088**: Kommisjonsdirektiv 2008/88/EF av 28. januar 2008 (EUT L 28 av 1.2.2008, s. 34).”
2. I del 3.2 under overskrifta ”*RETTSAKTER SOM EFTA-STATENE OG EFTA<sub>s</sub> OVERVÅKNINGSORGAN SKAL TA TILBØRLIG HENSYN TIL*” i nr. 42 (kommisjonsvedtak 2007/683/EF) vert følgjande lagt til:  
  
”, endret ved:  
  
– **32008 D 0159**: Kommisjonsdirektiv 2008/159/EF av 22. februar 2008 (EUT L 51 av 26.2.2008, s. 21).”
3. I del 3.2 under overskrifta ”*RETTSAKTER SOM EFTA-STATENE OG EFTA<sub>s</sub> OVERVÅKNINGSORGAN SKAL TA TILBØRLIG HENSYN TIL*” etter nr. 43 (kommisjonsvedtak 2007/870/EF) skal nytt nr. 44 lyde:  
  
”44. **32008 D 0077**: Kommisjonsvedtak 2008/77/EF av 25. januar 2008 om godkjenning av planane for 2008 for utrydding av klassisk svinepest hjå viltlevande svin og naudvaksinasjon av slike svin mot denne sjukdommen i Bulgaria (EUT L 23 av 26.1.2008, s. 28).  
  
Denne rettsakten får ikke anvendelse for Island.”
4. I del 4.2 nr. 14 (kommisjonsvedtak 93/52/EØF) og nr. 70 (kommisjonsvedtak 2003/467/EF) skal nytt strekpunkt lyde:  
  
”– **32008 D 0097**: Kommisjonsvedtak 2008/97/EF av 30. januar 2008 (EUT L 32 av 6.2.2008, s. 25), som rettet ved EUT L 281 av 24.10.2008, s. 35.”

### *Artikkel 2*

Teksta til vedtak 2008/77/EF, 2008/88/EF, 2008/97/EF som retta ved EUT L 281 av 24.10.2008, s. 35, og 2008/159/EF på norsk, som vil verte kunngjord i EØS-tillegget til *Tidend for Den europeiske unionen*, skal verte gyldig.

*Artikkel 3*

Denne avgjerda tek til å gjelde 30. mai 2009, på det vilkåret at EØS-komiteen har motteke alle meldingar etter artikkel 103 nr. 1 i avtala<sup>(\*)</sup>.

*Artikkel 4*

Denne avgjerda skal kunngjerast i EØS-avdelinga av og EØS-tillegget til *Tidend for Den europeiske unionen*.

Utfjerda i Brussel, 29. mai 2009.

For EØS-komiteen

***Alan Seatter***

Formann

---

<sup>(\*)</sup> Ingen forfatningsrettslege krav oppgjevne.